

# *Il miò pinsîr pai amîs dal 1928*

(1998)

A fâs plasé la compagnie  
cjârs amîs dal vincjevôt  
par fa fieste in compagnie  
cul mangjà e bevi un gòt.

Pai setante agns ch'a pesin  
a par podè contàju ben  
a là indenant cence pretesis  
cun iudizi e vè bon sen.

Par dovè o ricuardin  
ducj i nestrîs cjârs amîs  
che no son a chi vicin  
lôr son lâs in paradîs.

E cumò metin in clâr

## *Poesie e Racconti Friulani*

in ce mont che nò vivìn  
che nus lasse vonde amâr  
e nus strenç il curisin.

No si vîf di sôl promessis  
nus covente ben plui fats  
lis promessis no si mangjn  
al covente alc sui plats.

Ma i sorestans no i tegnin cont  
dal lavôr un grun sudât  
e lôr nus rasçjn ancje il font  
cheste jé la veretât.

Torne just di lamentâsi  
dal comant che nol vâ ben  
tant jenplât nus an di tassis  
e scugin gloti ce ch'al vén.

Nò sintin clopà lis gjambis  
ancje bati il cûr tant fuart  
e i sorestans cence cosience

## *Poesie e Racconti Friulani*

nus tribulin fin ae muàrt.

Puars nò dal vinçjevot  
che patît tal an dal frêt  
no podin plui ben sçjaldâsi  
e sparagnà ancje te sêt.

Ma vivìn cu la sperance  
che si giri l'ajarin  
che si mudi la sostance  
e la justizie plui vicin.

Po' se chest nol vegnarà  
o scugnarin a tignì dâr  
e tal Signôr simpri sperà  
par sintîsi tal Signôr.

E cumò prin di lassâsi  
o metìn tal nestri sèn  
la sperance di çjatâsi  
duçj insieme l'àn ch'al vén.

*(Reana del Rojale 21 Nov 1998)*